

**BOSNA I HERCEGOVINA
FEDERACIJA BOSNE I HERCEGOVINE
UNSKO SANSKI KANTON
OPĆINA SANSKI MOST
Izborna komisija općine Sanski Most**

Broj: 05-05-2-1943/18

Datum: 11.10.2018. godine.

**CENTRALNA IZBORNA KOMISIJA BIH
Ul. Danijela Ozme br. 7, 71 000, Sarajevo,
BOSNA I HERCEGOVINA**

Predmet: Odgovor na dopis – dostavlja se;

Veza: Vaš akt br. 06-1-07-1-1011-2/18 od 05.10.2018. godine.

Poštovani,

Prije svega, izborna komisija se zahvaljuje CIK-u na podršci i pomoći u njenom radu, ali želi i da se zahvali svim političkim subjektima koji su uložili maksimalne napore da svoje aktivnosti usklade sa Izbornim zakonom BiH („Sl. glasnik BiH“, broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16), u daljem tekstu Zakon, i podzakonskim aktima, i gdje su se sve nejasnoće i eventualne prijave na neregularnosti i sumnje, u svim slučajevima se odnosilo na usmene prijave na druge političke subjekte, iste otklanjale na brz i efikasan način, bez pismenih prigovora, ali uz obostrano povjerenje i razumijevanje svih političkih subjekata - prema izornoj komisiji, čime je izborni proces a posebno izborni dan i noć protekao u najboljem mogućem redu bez bilo kakvih ekscesa i nepredviđenih situacija.

Izborna komisija općine Sanski Most obavještava CIK i nadležne osobe da se u izornoj jedinici 032A postupalo i postupa u skladu sa Zakonskim i podzakonskim aktima CIK-a, tj. primjena svih zakonskih i podzakonskih akata, i pozitivnih propisa, te da se kroz kontinuirane komunikacije sa svim akterima izbornog procesa, pokušavala napraviti i napravila pozitivna atmosfera, uz napomenu da su svi politički subjekti, mediji, ali i javnost imali i imaju sve informacije vezano za izborni proces i sve aktivnosti koje je Komisija poduzimala ili poduzima, to su javnost - građani, mediji, politički subjekti o tome obavještavani (izvor: e-mail korespondencija, web stranica Općine, RTV Sana, politi.subjekti, međunarodni posmatrači i Koalicija pod lupom, i sl).

Kada je u pitanju primjena Člana 5. 26. Zakona, Izborna komisija mora kazati da pored primjene navedenog člana Zakona, mora primjenivati i primjenjuje sve druge zakonske i podzakonske akte i pozitivne zakonske propise, koji se tiču izbornog procesa, te ujedno o tome obavještavala i obavještava sve političke subjekte, medije, javnost i građane, i komisija smatra da nema potrebe da se posebno pravda bilo kojem političkom subjektu, jer sve aktivnosti koje je provodila ili provodi su u skladu sa poz.propisima (o čemu su svi obavještavani i znali su svaku aktivnost komisije), i svi zahtjevi političkih subjekata koji su u skladu sa

pozitiv.propisima su uvaženi, a materijali su zaduživani BO-ima i vršena primo-predaja na istoj lokaciji, a unos podataka se vršio na istoj lokaciji (Šalter sala organa uprave-pokriven video-nadzorom), čime su i međunaordni posmatrači, i drugi bili oduševljeni viđenim.

Uz sve navedeno o tome smo i putem web stranice i na lokalnom medijskom servisu informisali kako političke subjekte, građane, medije, javnost i sve aktere izb.procesa, kako bi se upoznali sa izbornim procesom, i kako bi razumjeli način na koji se nakon zaprimanja materijala od biračkih odbora, te dostavljanja kopija zelenih obrazaca isti unose u JIIS aplikaciju (osobe za unos-koje unose onako kako stoji na obrascima), dok kontrolori i supervizor, dalje vrše kontrole i provjere u koordinaciji sa CIK-om, i to ne radi predsjednik i članovi komisije, i da se sve te osobe registruju i imaju svoje IP adrese gdje se zna svaki unos i vrijeme unosa, a cilj nam je bio da educiramo pored političkih subjekata i same građane, medije i javnost, kako bi se tendenciozne i maliciozne izjave i pretpostavke svele na minimum, i kako bi građani mogli da budu sigurni da će njihova volja biti ispoštovana, i u tome smo uspjeli, a svaki politički subjekt, posmatrači, građani i mediji mogli su doći da se lično uvjere u navedeno.

Kada su u pitanju posmatrači političkih subjekata tj. posmatranje izbornog procesa, shodno Članu 17. Zakona te Uputstva o uslovima i procedurama za akreditiranje izbornih posmatrača u BiH ("Službeni Glasnik BiH", broj: 37/14 i 29/18), u daljem tekstu: Uputstvo, Komisija je ta koja je kontinuirano obavještavala sve političke subjekte te im čak i dostavljala Zakonske i podzakonske akte, kao i obrasce za podnošenje zahtjeva za posmatrača, kako ne bi propustili Zakonski rok od 15. dana, te ih čak i telefonski obavještavali da ne zaborave podnijeti zahtjeve za posmatrača (što bi se sigurno desilo) pa i dopustila da iste podnose i na portirnicama organa uprave (dvije portirnice) u bilo koje doba dana i noći (istu mogućnost su imali i prilikom podnošenja prijedloga kandidata u BO-e), što svakako ne navode u aktu, ali se može provjeriti, a sve sa ciljem da izbori budu festival demokratije, a legitimitet tome daju i posmatrači.

Pored toga, kako su svi ili većina kasnili sa podnošenjem zahtjeva jer nisu mogli da imenuju ni dovoljno ljudi u biračke odbore, pa tako je bio isti problem i za posmatrača, pa su im i pored kašnjenja i dostavljanja zahtjeva i nakon isteka roka, isti uvaženi, i imenovani posmatrači na prvoj narednoj sjednici Komisije, tj. svi su prošli provjere u CBS-u, te su oni koji nisu imali smetnje (tehn.smetnje - JMBG, angaž.u bir.odborima, i sl) imenovani, dok oni predloženi članovi koji su predloženi u biračke odbore a nalaze se na listama za posmatrača, nisu mogli odmah biti imenovani dok komisija nije utvrdila namjere istih da ne žele da učestvuju u radu biračkih odbora, jer su nam bili potrebni u BO-ima, te nakon popune odbora iz svoje rezerve, iste osobe akreditirala za posmatrača. Izborna komisija je svim posmatračima dozvolila da posmatraju kompletan izborni proces pa time i prostorije za unos podataka, što se može potvrditi jer je sve pokriveno video-nadzorom (sjedište OIK), ali i saznati od međunaordnih posmatrača – OSCE (koji su tu bili non-stop prisutni na naš zahtjev), Koalicija pod lupom i drugih posmatrača koji su željeli da prate sve aktivnosti.

Kada je u pitanju drugi dio akta potpisnika dva politička subjekta (jedan odustao jer je kazao da nije znao šta potpisuje), on se odnosi na ponovne sumnje i tendenciozne i maliciozne izjave odnosno prije svega stvaranje novih sumnji u izborni proces u Sanskom Most, određenog kandidata na listi koji je u ranijim izbornim ciklusima bio kandidat ispred nekoliko političkih subjekata, sa kojim Komisija i predsjednik ima dobru komunikaciju i saradnju, kao i sa političkim subjektom ispred kojeg je sada kandidat na listi, i nismo imali problema sa istim, s tim da predmetni gospodin nastoji kroz nove sumnje i pretpostavke da vrati u život stari proces iz 2012. godine, koji ne stoji i koji je okončan obustavom postupka, i sa kojim ovaj predsjednik i većina članova nema nikakve veze, što zna i imenovani.

Pored toga, treba kazati da sa političkim subjektom 00008 i 02314, Komisija ima odličnu komunikaciju i

saradnju, na čemu im se zahvaljujemo, kao i sa svim drugim političkim subjektima, i svaku sumnju i pretpostavku ova komisija otklanja brzo, transparentno i ekspeditivno, tj. djeluje brzo i efikasno, na utvrđivanju svih činjenica i okolnosti, i o tome obavještava političke subjekte, građane, javnost i medije, ali ne dozvoljava miješanje u izborni proces, koji bi narušio integritet izborne komisije i biračkih odbora što je bio jedan od pokušaja nekih polit.subjekata, uz napomenu da su se svi takvi pokušaji rješavali razgovorima i komunikacijom i više su plod sumnji i strahova, ali je na kraju sve vraćeno u zakonske okvire, i niko ne može biti nezadovoljan postignutim rezultatima, jer su izbori protekli mirno u fer i korektnoj atmosferi.

Shodno svemu tome, nije ni jasna namjera ovih političkih subjekata, ali su na kraju i pohvalili rad komisije međunarodn.posmatračima i drugim akterima, na čemu im se zahvaljujemo, ali bez obzira na sve Komisija nema namjeru da se upušta u neosnovane prepiske koje bi onda kružile i dodatno kontaminirale medijski prostor, nego primjenjuje pozitivne propise, i o tome obavještava sve aktere izb.procesa, pa je na isti već odgovorila "svim" političkim subjektima, i naznačenim institucijama u elektronskoj verziji.

Naime, dobra komunikacija i saradnja, otvorenost, transparentnost i fleksibilnost, ali i obavještavanje svih aktera izbornog procesa o svim aktivnostima, dovode do toga da se sve sumnje i pretpostavke odmah otklanjaju, a ujedno se stvara povjerenje, i to je ključ uspješnog izbornog procesa.

Shodno svemu navedenom, izborni procesi ovog saziva komisije i predsjednika od 2014. godine su istinski festivali demokratije (otvoreni, transparentni i javni), kao što je i izborni proces 2018. godine, uz primjenu svih pozitivnih zakonskih propisa, i na sve sumnje u rad biračkih odbora smo djelovali na profesionalan način te utvrđivali činjenice i okolnosti, sastavljali zapsinike o tome, te ih dostavljali CIK-u na dalje postupanje, i tako će biti i sada, a svim političkim subjektima želimo uspjehe u daljem radu i aktivnostima shodno svojim polit. programskim platformama.

Izborna komisija neće govoriti o sebi samoj, nego se svi ovi navodi mogu provjeriti i kod međunarodnih posmatrača (OSCE), Koalicije pod lupom, i drugih političkih subjekata, medija i građana, pa i organa policije, sa kojima je Komisija imala i ima odličnu komunikaciju i saradnju.

Unaprijed zahvalni na razumijevanju.

Dostaviti:

1. Naslovu,
2. Web stranica, oglasna ploča,
3. a/a.

